


# IQOS


Korisnički vodič

**IQOS 3 DUO**

## Džepni punjač IQOS™ 3 DUO\*




## Držać IQOS 3 DUO\*




\*IQOS 3 DUO je kompatibilan s uređajem IQOS 3

## Punjenje i čišćenje



Adapter za napajanje



Kabl za punjenje



Alat za čišćenje  
uređaja IQOS



Štapići za čišćenje

### KORISNIČKI SERVIS

Za dodatne instrukcije i podršku Korisničkog servisa posjetite

[www.iqos.com](http://www.iqos.com)

ili pozovite 0800 2 12 12  
(besplatan broj).

iqos

**CARE+PLUS**

Proširene usluge podrške za korisnike IQOS uređaja.

[www.iqos.com/careplus\\*\\*](http://www.iqos.com/careplus**)

\*\* IQOS CARE PLUS možda nije dostupan u vašoj zemlji.

### Upoznajte IQOS


Preuzmite aplikaciju IQOS Connect na platformi Google Play da biste saznali više o IQOS uređaju.\*



\* Google Play i logotip Google Play su trgovačke marke kompanije Google LLC.


\* Aplikacija IQOS Connect možda nije dostupna u vašoj zemlji.

## Početak



### UKLJUČITE

Pritisnite i držite dugme džepnog punjača IQOS 3 DUO na 4 sekunde, a zatim pustite; statusna svjetla držača i statusna svjetla džepnog punjača će se polako paliti.



### NAPUNITE DRŽAČ

Ubacite držač IQOS 3 DUO u džepni punjač IQOS 3 DUO, zatim zatvorite vratanica radi punjenja.

Statusno svjetlo držača će prikazati nivo napunjenosti držača.

## Provjerite status držača



### PROVJERITE STATUS DRŽAČA


Pritisnite i pustite dugme držača da provjerite status.

Svjetla držača pokazuju nivo napunjenosti baterije držača uređaja IQOS 3 DUO.



### PROVJERITE STATUS DRŽAČA NA DŽEPNOM PUNJAČU UREĐAJA IQOS 3 DUO


Pritisnite i pustite dugme džepnog punjača da provjerite nivo napunjenosti baterije držača uređaja IQOS 3 DUO.



### PROVJERITE STATUS DRŽAČA NA DŽEPNOM PUNJAČU UREĐAJA IQOS 3


Pritisnite i pustite dugme džepnog punjača da provjerite nivo napunjenosti baterije držača uređaja IQOS 3 DUO.

# Kako koristiti uređaj IQOS 3 DUO




## 1. UBACITE PATRONU NESAGORIJEVAJUĆEG DUHANA

Ubacite i nježno pritisnite patronu nesagorijevajućeg duhana do linije na filteru dok je filter okrenut prema vani.



## 2. POČNITE ZAGRIJAVATI

Pritisnite dugme držača dok držač uređaja IQOS 3 DUO ne zavibrira, a svjetla pulsiraju bijelo.



## 3. POČNITE KORISTITI


Počnite koristiti IQOS 3 DUO kada držač zavibrira jedanput.



## 4. PRED KRAJ KORIŠTENJA

Kako bi signalizirao posljednjih 30 sekundi ili posljednja 2 udaha, držač uređaja IQOS 3 DUO će dvaput zavibrirati dok svjetla pulsiraju bijelo.


## Kako koristiti uređaj IQOS 3 DUO



### 5. IZVADITE PATRONU NESAGORIJEVAJUĆEG DUHANA



Povucite poklopac prema gore, a zatim izvadite iskorištenu patronu nesagorijevajućeg duhana.

## Kako čistiti držač



### 1. KORISTITE ALAT ZA ČIŠĆENJE IQOS UREĐAJA


Povucite poklopac prema gore i potpuno ga uklonite. Sačekajte da se uređaj ohladi, a zatim ubacite IQOS čistač i nježno okrećite.



### 2. KORISTITE ŠTAPIĆ ZA ČIŠĆENJE IQOS UREĐAJA

Ubacite IQOS štapić za čišćenje da biste očistili unutrašnjost držača. Nemojte dodirivati oštricu IQOS štapićem za čišćenje.


## Kratki savjeti



### PROVJERITE STATUS DŽEPNOG PUNJAČA

Pritisnite i pustite dugme džepnog punjača da provjerite nivo napunjenosti baterije.


Svjetla će se upaliti da pokažu status baterije.



### RESETOVANJE


Pritisnite dugme džepnog punjača dok se svjetla postepeno ne ugase, a zatim pustite.

Sva statusna svjetla će se ugasi, zatreperiti dvaput i svijetliti sve većim intenzitetom kako bi se potvrdilo resetovanje.



### SVJETLA DVAPUT TREPERE BIJELO

IQOS je izvan raspona radne temperature (0°C – 50°C) ili je potrebno ubaciti držač u džepni punjač sa zatvorenim vratancima dok se potpuno ne napuni.



### SVJETLA TREPERE CRVENO

Resetujte uređaj IQOS 3 DUO. Ako crveno svjetlo nastavi treperiti, kontaktirajte Korisnički servis.



# IQOS



Ovaj simbol označava da je potrebno oprezno rukovati proizvodom.

## UPOZORENJA I UPUTSTVA O SIGURNOSTI

**MOLIMO PROČITAJTE SVA UPOZORENJA I UPUTSTVA O SIGURNOSTI PRIJE UPOTREBE KAKO BISTE IZBJEGLI POVREDU.**

Ova upozorenja i uputstva o sigurnosti ne mogu obuhvatiti sve moguće uslove koji se mogu dogoditi, i korisnici moraju biti oprezni i pažljivi.

Zadržite ova upozorenja i uputstva o sigurnosti jer sadrže važne informacije.

### Ciljani korisnici

- IQOS i *patrone nesagorijevajućeg duhana* su namijenjeni samo odraslim osobama.
- IQOS i *patrone nesagorijevajućeg duhana* su namijenjeni odraslim pušačima koji bi inače nastavili pušiti.
- Djeca i adolescenti nikada ne smiju koristiti IQOS ili *patrone nesagorijevajućeg duhana* u bilo kojim okolnostima.
- IQOS ili *patrone nesagorijevajućeg duhana* ne smiju koristiti osobe smanjenih fizičkih, senzornih ili mentalnih sposobnosti ili manjka znanja osim ako su pod nadzorom ili su dobile uputstva kako da sigurno koriste proizvod i razumiju uključene rizike.

### Duhan i nikotin

- *Patrone nesagorijevajućeg duhana* sadrže nikotin koji stvara ovisnost.
- IQOS i *patrone nesagorijevajućeg duhana* nisu proizvod bez rizika. Najbolji način smanjenja rizika po zdravlje koje izaziva duhan jeste potpuni prestanak korištenja duhana i nikotina.
- Neki korisnici proizvoda IQOS i *patrona nesagorijevajućeg duhana* su prijavili da su osjećali bol u trbuhu, prsima, osjećaj gušenja, kašalj, poteškoće s disanjem, vrtoglavicu, suhoću u ustima, suhoću u grlu, gingivitis, glavobolju, slabost, začepljenost nosa, mučninu, iritaciju usta, palpitacije, iritaciju grla i povraćanje.
- Proizvode koji sadrže nikotin ne smiju koristiti osobe koje imaju ili su u opasnosti da imaju srčanu bolest, dijabetes, epilepsiju ili napadaje.
- Proizvodi koji sadrže nikotin se ne smiju koristiti za vrijeme trudnoće ili dojenja. Ako ste trudni, dojite ili mislite da biste mogli biti trudni, potpuno prestanite koristiti duhan i nikotin.
- Prestanak pušenja ili prelazak na IQOS i *patrone nesagorijevajućeg duhana* ili druge proizvode koji sadrže nikotin može zahtijevati prilagođavanje doze određenih lijekova (npr., teopilin, klozapin, ropinirol).
- Obratite se ljekaru ako imate pitanja o tome trebate li koristiti IQOS i *patrone nesagorijevajućeg duhana* dok imate neko zdravstveno stanje.

## ▲ VAŽNE SIGURNOSNE INFORMACIJE

### ▲ UPOZORENJE OPASNOST OD GUŠENJA I GUTANJA


Držite IQOS i patrone nesagorijevajućeg duhana van dohvata djece u svakom trenutku.

- OPASNOST OD GUŠENJA — Dodaci za IQOS i *patrone nesagorijevajućeg duhana* sadrže sitne dijelove.
- OPASNOST OD GUTANJA — Ako progutate *patrone nesagorijevajućeg duhana* odmah se obratite ljekaru zbog rizika od trovanja nikotinom.

### ▲ UPOZORENJE OPASNOST OD ELEKTRIČNIH DIJELOVA I BATERIJE

## Rizik od električnih dijelova

Nepridržavanje ovih upozorenja i uputstava o sigurnosti može dovesti do požara, eksplozije, električnog udara, povrede i oštećenja proizvoda ili druge imovine:

- Samo ciljani korisnici trebaju koristiti IQOS.
- Džepni punjač IQOS uređaja puniti samo odobrenim modelom adaptera za napajanje IQOS uređaja isporučenim u kutiji ili dostupnim u lokalnim ili online IQOS prodavnicama u svrhe punjenja. Spisak odobrenih modela adaptera za napajanje IQOS uređaja potražite u odjeljku s tehničkim podacima ovog Korisničkog vodiča.
- S IQOS uređajem nemojte koristiti dodatke trećih strana.
- Džepni punjač IQOS uređaja puniti samo pri sigurnom vrlo niskom naponu. Detalje o naponu potražite u odjeljku s tehničkim podacima ovog Korisničkog vodiča.
- IQOS nemojte koristiti tamo gdje je korištenje elektronskih uređaja zabranjeno.
- Džepni punjač IQOS uređaja puniti samo u zatvorenim prostorijama kao što je naznačeno simbolom .
- IQOS nemojte koristiti niti puniti džepni punjač IQOS uređaja i/ili dodatke za IQOS ako su oštećeni, mijenjani ili slomljeni.
- IQOS nemojte koristiti ako njegove baterije cure.
- Nemojte koristiti, puniti niti skladištiti IQOS u uslovima visoke temperature (kao što je unutar automobila u ljetnom periodu ili blizu izvora toplote, tj. radijatora ili vatre).

- IQOS nemojte koristiti gdje ima zapaljivih materijala, tečnosti i plinova.
- IQOS i njegove dodatke nemojte uranjati niti dovoditi u kontakt s vodom i/ili drugim tečnostima. Ne dirajte IQOS i/ili dodatke ako postanu mokri ili se urone u bilo koju tečnost.
- IQOS i/ili dodatke nikada nemojte odlagati s ostalim kućanskim otpadom jer mogu doći u kontakt s vodom i/ili drugim tečnostima.
- Povremeno obrišite USB priključak za punjenje na džepnom punjaču IQOS uređaja kako biste izbjegli nakupljanje stranih materija (kao što su čestice prašine).
- Isključite IQOS i/ili dodatke iz bilo kojeg izvora napajanja ako se tokom punjenja pregriju, počnu isparavati, zapale se ili gore.
- Ne dirajte IQOS i/ili dodatke ako se pregriju, počnu isparavati, zapale se ili gore.
- Rukujte oprezno. Pazite da vam IQOS ne ispadne ili da ne bude izložen jakim udarima.
- Ne pokušavajte otvoriti, servisirati, mijenjati ili popraviti bilo koji sastavni dio IQOS uređaja ili zamijeniti bilo koji sastavni dio ili baterije.
- IQOS koristite samo na sobnoj temperaturi između 0° i 50° C.

#### **Rizik od baterije**

IQOS se napaja putem zatvorenih litij-ionskih baterija. Baterija je zatvorena u normalnim uslovima korištenja.

- Odmah se obratite ljekaru ako progutate tečnost koja curi iz baterije. Nemojte izazivati povraćanje ili gutati hranu ili piće.
- Ako udahnute paru iz tečnosti koja curi iz baterije, izađite na svjež zrak i obratite se ljekaru.
- U slučaju kontakta tečnosti koja curi iz baterije s kožom, operite ruke i ne dirajte oči.
- U slučaju kontakta tečnosti koja curi iz baterije s očima, odmah ih ispirite tekućom vodom najmanje 15 minuta i obratite se ljekaru.

#### **▲ OPREZ RIZIK OD OPEKOTINA**

Nepridržavanje ovih upozorenja i uputstava o sigurnosti može dovesti do opekotina:

- Čuvajte IQOS i *patrone nesagorijevajućeg duhana* na čistom, suhom i hladnom mjestu.
- IQOS i *patrone nesagorijevajućeg duhana* nemojte izlagati uslovima visoke vlage ili direktnoj sunčevoj svjetlosti.
- *Patrone nesagorijevajućeg duhana* nemojte koristiti u uslovima visokih temperatura ili u periodima visoke vlage.

- Ne uklanjajte *patrone nesagorijevajućeg duhana* za vrijeme upotrebe.
- Nikada nemojte pokušavati da dotaknete oštricu za grijanje IQOS uređaja.

#### **⚠ CAUTION RIZIK OD ALERGIJSKE REAKCIJE**

- IQOS i *patrone nesagorijevajućeg duhana* mogu izazvati alergijsku reakciju kao što je oticanje lica, usana, jezika, desni, grla ili tijela, otežano disanje ili pištanje u plućima.
- Prestanite koristiti IQOS i *patrone nesagorijevajućeg duhana* i odmah se obratite ljekaru ako osjetite bilo koji od gore navedenih simptoma, jer mogu ukazivati na ozbiljnu alergijsku reakciju.

#### **EKSKLUZIVNA UPOTREBA PATRONA NESAGORIJEVAJUĆEG DUHANA**


- IQOS i *patrone nesagorijevajućeg duhana* kupite samo u svojim lokalnim ili online IQOS prodavnicama ili kod drugih ovlaštenih prodavača.
- IQOS koristite samo s *patronama nesagorijevajućeg duhana*. Nikada ne koristite IQOS s cigaretom ili sličnim proizvodima koji nisu odobreni za upotrebu s IQOS uređajem.
- To može dovesti do povrede.
- Nemojte mijenjati *patrone nesagorijevajućeg duhana* na bilo koji način ili dodavati supstance *patronama nesagorijevajućeg duhana*. To može dovesti do povrede.

#### **Prijava neželjenih iskustava**

- Obratite se ljekaru ako osjetite bilo koje od neželjenih dejstava po zdravlje dok koristite IQOS i/ili *patrone nesagorijevajućeg duhana*.
- Svako neželjeno iskustvo ili incident možete prijaviti direktno svom lokalnom pozivnom centru (detalje možete pronaći u knjižici Servis za potrošače i garancija). Prijavlivanjem neželjenih iskustava ili incidenata možete pomoći u pružanju više informacija o sigurnosti ovog proizvoda.
- Za više informacija posjetite [www.iqos.com](http://www.iqos.com)


## **INFORMACIJE O ODLAGANJU UREĐAJA IQOS**


### **Važi u Evropskoj uniji i EEP-u**


 Ovaj simbol na proizvodu i na pakovanju označava da se proizvod i njegovi pojedinačni dijelovi (uključujući baterije) ne smiju odlagati s ostalim kućanskim otpadom. Vaša odgovornost je da ga odložite na mjesto određeno za prikupljanje i recikliranje električnog i elektronskog otpada. Između ostalog, potrošene baterije možete besplatno vratiti na mjesto prodaje.


Odvojeno prikupljanje i recikliranje električnog i elektronskog otpada (uključujući baterije) u vrijeme odlaganja će pomoći da se očuvaju prirodni resursi i osigura recikliranje na način koji štiti ljudsko zdravlje i okolinu. Odlaganje električnog i elektronskog otpada kao nerazvrstani komunalni otpad (npr. spaljivanjem ili zakopavanjem otpada) ima negativne posljedice po okolinu i ljudsko zdravlje.

## **TEHNIČKI PODACI**

Držač:  
 IQOS 3 Model A1404/  
 IQOS 3 DUO Model A1406  
 Tip baterije:  
 Li-ion punjiva baterija  
 Ulaz: 5 V  1,6 A

Džepni punjač:  
 IQOS 3 Model A1504/  
 IQOS 3 DUO Model A1505  
 Tip baterije:  
 Li-ion punjiva baterija  
 Ulaz: 5 V  2 A  
 Bluetooth® 4.1

Džepni punjač IQOS uređaja je označen simbolom  nakon čega slijedi „SxxA2x“, što ukazuje da se džepni punjač IQOS uređaja može puniti putem jednog od sljedećih odobrenih modela IQOS adaptera za napajanje.

IQOS adapter za napajanje naizmjeničnom strujom  
Model: S52A21, S21A20, S21A22, S21A23, S21A25, S21A27  
Ulaz: 100 V - 240 V~ 50 - 60 Hz 0,3 A  
Izlaz: 5,0 V  2,0 A  
Izlazna snaga: 10,0 W  
Prosječna aktivna efikasnost: 79,0%  
Potrošnja energije bez opterećenja: <0,09 W

USB kabl tipa C

## UPUTSTVA ZA VAĐENJE BATERIJE (ODLAGANJE I RECIKLIRANJE)

Korisnik ne smije vaditi baterije. Na kraju životnog vijeka proizvoda, samo ovlašteni pružalac usluga recikliranja može sigurno izvaditi baterije slijedeći ove korake:

### IQOS 3 DUO Džepni punjač (A1505):

Korak 1: Uređaj mora biti potpuno ispražnjen prije rastavljanja. Uklonite poklopac, a zatim s obje strane uklonite vijak.

Korak 2: Odvojite punjač iz korita.

Korak 3: Odvrnite vijak da uklonite držač.

Korak 4: Odvojite FPC i priključak da izvadite PCB punjača.

Korak 5: Izvadite bateriju i odložite je u skladu s lokalnim propisima.

### IQOS 3 DUO Držač (A1406):

Korak 1: Uređaj mora biti potpuno ispražnjen prije rastavljanja. Uklonite prednje kućište s držača.

Korak 2: Uklonite stražnje kućište.

Korak 3: Uklonite dugme za napajanje s držača.

Korak 4: Uklonite ljepilo i lem kako biste odvojili bateriju iz srednjeg dijela i okvira. Srednji dio se mora rasporeti zbog ljepila.

Korak 5: Izvadite bateriju i odložite je u skladu s lokalnim propisima.

Kompanija Philip Morris Products S.A. ovime izjavljuje da je IQOS 3 DUO u skladu s osnovnim zahtjevima i drugim relevantnim odredbama Direktive 2014/53/EU. Službenu Deklaraciju o usklađenosti možete pronaći na: [www.pmi.com/declarationofconformity](http://www.pmi.com/declarationofconformity)

IQOS 3 DUO Model A1505 radi u frekventijskom rasponu od 2,402 – 2,480 GHz uz maksimalnu izlaznu snagu RF ispod 10,0 dBm. IQOS 3 DUO Model A1505 je opremljen pasivnom NFC oznakom koja radi u frekventijskom rasponu od 13,56 MHz.

Projektovano i proizvedeno pod rukovodstvom kompanije Philip Morris Products S.A., Quai Jeanrenaud 3, 2000 Neuchâtel, Švicarska.



Oznaka i logotip Bluetooth® su registrirani zaštitni znakovi u vlasništvu kompanije Bluetooth SIG, Inc., te svako korištenje ove marke od strane kompanije Philip Morris Products S.A. i njenih podružnica je pod licencom. Drugi zaštitni znakovi i trgovačka imena pripadaju njihovim vlasnicima.

